

2

ERASMI

ROTERODAMI DE RA-
tione studij, ac legendi interpre-
tandiq; autores, Libellus
aureus.

OFFICIUM *discipulorum, ex Quintiliano:*

Qui primo legendi, ex eodem.

ERASMI *Concio de puero IESU in schola*
Coletica Londini instituta, pronuntiata.

EIVSDEM

Expostulatio Iesu ad mortales.

Et, Carmina quedam scholaria.

LVGDVNI, APVD SEBASTIA
NUM GRYPHIVM GER
MANVM. ANNO

M. D. XXVIII.



ERASMVVS

ROTERODAMVS PETRO VI-
terio, liberalium disciplinarum pro-
fessori eximio, S. D.



NA E tu rem istam mi Petre suauissime, & perspicis acute, & grauer, uereq; iudicas, plurimum referre, qua ratione, quoq; ordine quid instituas, idq; maximum habere momentum, cum ceteris in rebus omnibus, tam uero praecipue in bonorum studijs literarum. An non uidemus ingentia pondera, si artem adhibeas, minimo tolli negotio, quae nullis alioqui uiribus moueri poterant? Quemadmodum & in bello non perinde refert, quantis copijs, quantisq; uiribus hostem adoriaris, ut quam probe instructo exercitu, quo cōsilio, quoq; ordine pugnam capeffas. Ac multo celerius quò tendunt, perueniunt ij, qui senitas compendiaris norunt, quam qui annem (ut ait Plautus) ducem sequuntur, & uel contempto Pythagora τῆς λιωφόρου ingrediuntur, uel nauis etiam errorū ambagibus circūaguntur. Proinde rogas, ut tibi studiorum ordinē, ac uiā, formāq; praescribā, quam tu, ueluti Thesei filium secutus, & in autorū labyrinthis citra errorē uersari queas, & ad cruditionis summam celerius emergere, uel magis aliorū studijs cōsulere, quos bonis literis instituis. Quādoquidem ipse iam propemodū ad cruditionis fastigiū peruenisti. Equidem pro mea certe uirili non grauatim parebo homini tam amico,

DE RATIONE

ut nephas sit quiduis etiam flagitanti negare, ne dum rem tam honestam, tamq[ue] frugiferam. Quod si senseris nostrum hoc consilium tibi comodo fuisse, tui candoris erit, & alijs ad bonas literas emittentibus, digito uiam indicare.



Pincipio duplex omnino uidetur cognitio rerum ac uerborum. Verborum prior, rerum potior. Sed nonnulli dum à uisionis (ut aiunt) πρῶτον ad res descendas se stimant, sermonis curam negligunt, & male affectato compendio, in maxima incidunt dispendia. Etenim cum res non nisi per uocum notas cognoscantur, qui sermonis uim non calleat, is passim in rerum quoq[ue] iudicio cæcutiat, ballucinetur, deliret necesse est. Postremo uide, ut nullos omnium magis ubiq[ue] de uoculis cauillari, quàm eos qui iactitant sese uerba negligere, rem ipsam spectare. Quapropter utroq[ue] in genere statim optima, & quidē ab optimis sunt discenda. Quid enim stultius, quàm magno labore discere, que poste a maiori cogaris de discere? Nihil autem facilius discitur, quàm quod rectum, ac uerum est. At praua si semel inhæserint ingenio, dictu mirum, quàm nō possint reuelli. Primū igitur locū Græmatica sibi uendicat, eaque protinus duplex tradēda pueris, Græca uidelicet, ac Latina. Non modo quod his duabus linguis omnia fermè sunt prodita, que digna cognitu uideantur, uerū etiā quod utraq[ue] alteri sic affinis est, ut ambe citius percipi queat cōiūctim, quàm altera sine altera, certe quàm Latina sine Græca. A Græcis auspiciari nos mandat Quintilianus, sed ita, si his literis perceptis, nō longo interuallo Latine succedant. Sanè utraq[ue] pari cura tuendas

Grammatica & Græca & Latina.

inēdas esse monet: atq; ita futurum, ut neutre alteris officiat. Ergo utriusq; lingue rudimēta ex statim, et ab optimo præceptore sunt hæricēda. Qui si fortē nō contingat, tū (qd' est proximū) optimis certe utēdū autoribus, quos equidē perpaucos, sed delectos esse uelim. Inter Græcos Grammaticos nemo non primum locum tribuit Theodoro Gaza, proximum mea sententia Constantinus Lascaris sibi iure suo uendicat. Inter Latinos uetustiores Diomedes. Inter recentiores haud multum uideo discriminis, nisi quod Nicolaus Perottus uidetur omnium diligentissimus, citra superstitionem tanē. Verum ut huiusmodi præcepta sateor necessaria, ita uelim esse, quoad fieri possit, quàm paucissima, modo sint optima. Nec unquam probaui literatorum uulgi, qui pueros in his inculcandis complices annos remorantur. Nam utra emendate loquendi facultas optime paratur, cum ex castigate loquentium colloquio coniectiq; tum ex eloquentium autorum assidua lectione: è quibus ij primū sunt imbibendi, quorum oratio præterquam quod est castigatissima, argumenti quoq; illecebra aliqua discētib; blandiatur. Quo quidē in genere primas tribuerim Luciano, alteras Demostheni, tertias Herodoto. Rursum ex poētis primas Aristophani, alteras Homero, tertias Euripidi. Nam Menandrum, cui uel primas daturus eram, desiderauis. Rursum inter Latinos quis utilior loquendi autor, quàm Terentius? puer ut, tersus, et quotidiano sermone proximus, tum ipso quoq; argumenti genere iucundus adolescentiæ. Huic si quis selectas Plauti comedias putet addēdas, quæ uacent obscœnitate, equidem non repugno. Proximus locus erit Vergi

Græci grā
matici.

Latini.

Quint' au-
tores præca
pæ legen-
da.
Græci.

Latini.

DE RATIONE

lio, tertius Horatio, quartus Cicroni, quintus C. Casas-
 ri. Salustium si quis adiungendum arbitrabitur, cum hoc
 non magno pere contenderim: atq; hos quidem ad utrius-
 que lingue cognitionem satis esse duco. Neque enim mihi
 placent, qui in euoluendis hunc in usum autoribus, etiam
 quibuslibet, uitam omnem conterunt. Prorsus infantem
 existimantes eum, quem ulla chartula suffugerit. Ergo
 parata sermonis facultate, si non luxuriosa, certe casta,
 mox ad rerum intelligentiam conferendus est animus.
 Tamet si ex his quoque scriptoribus, quos expoliende lin-
 gue gratia legimus, non mediocri obiter rerum quoque
 cognitio percipitur, uerum ex instituto omnis ferè rerum
 scientia à Græcis autoribus petenda est. Nam, unde nam
 haurias uel purius, uel citius, uel iucundius, quàm ab ipsis
 fontibus? Sed quo ordine discipline discende sint, & ex
 quibus potissimum præceptoribus, id aliàs foras rectius
 ostendemus. Interim ad primæ ætatis studia reuertamur.
 Ut igitur ex his autoribus unde lingue copiam petendam
 esse diximus, fructum capias & maturius, & uberio-
 rem, Laurentium Vallam tibi censeo diligenter euoluen-
 dum, qui de Latini sermonis elegantia scripsit elegantis-
 sime. Huius adiutus præceptionibus, ipse per te non pau-
 ca annotabis. Neque enim te uelim per omnia, uelut addi-
 ctum, Laurentianis seruire præceptis. Adiuuabit hoc
 quoque, si figuras grammaticas à Donato ac Diome de
 traditis edidiceris, si carminis leges ac formas omnes
 tenueris, si rhetorices suamnam, hoc est propositiones, lo-
 cos probationum, exornationes, amplificationes, transi-
 tionum formulas in promptu habueris. Conducunt enim
 hæc non

Laurentius
 Vallæ.

hec non solum ad indicandum, verumetiam ad imitandum. His itaque rebus instructus, inter legendum inter legendum notanda. autores non omissim obſeruaſis, ſi quod incidat inſigne verbum, ſi quid antiquæ aut novæ dictam, ſi quod argumentum, aut inuentum acute, aut tortum apte, ſi quod egregium orationis decus, ſi quod adagium, ſi quod exemplum, ſi qua ſententia digna quæ memoriæ commendetur. Iſque locus erit apta notula quæpiã inſigniendus. Notis autem non ſolum uarijs erit utendum, verumetiam accommodatis, quo protinus quid rei ſit, admonerent. Ad hæc ſi quis diſtinctiſſimam addendam ſtatuet, non admodum refragabor, modo ab Aritotele eam diſceat, non ab iſto loquaciſſimo ſophiſtarum genere: neque rurſum ibi deſideat, & uelut ad ſcopidos (ut inquit Gellius) ſireneos conſueſcat. Verum illud interim memineris, optimam dicendi magiſtrum eſſe ſtilum. Erit hic igitur in carmine, in oratione libera, in omni argumenti genere diligenter exercendus. Neque negligenda memoria, lectionis theſaurus. Eam tamen ſi locis Diſtinctiſſimam & imaginibus adiuuari non inſicior, tamen tribus rebus potiſſimum conſtat optima memoria: Intellectu, ordine, ſtilus exercendus. cura. Siquidem bonæ memoriæ pars eſt, rem penitus intellexiſſe. Tum ordo facit, ut etiam quæ ſemel exciderint quaſi poſtliminio in animũ reuocemus. Porro cura omnibus in rebus, non hic tantum, plurimum ualet. Itaque quæ meminiſſe uelis, ea ſunt attentius, ac crebrius relegenda, deinde ſæpius à nobis iſſis exigenda, ut ſi quid forte ſuffugerit, id reſtituatur. Illud minutius, ſed tamen haud indignam quod admoneretur. Adiuuabit non mediocriter, ſi quorum neceſſaria quidem, ſed ſubdifficilis erit memo-
ria.

DE PVERIS INSTI-

ria. Veluti locorum, quos tradunt Cosmo graphi, pedum metricorum, figurarum grammaticarū, genealogiarum, aut si qua sunt similia, ea quā fieri potest brevissime simul & luculentissime in tabulas depicta, in cubiculi parietibus suspendantur, quo passim & aliud agentibus sint obvia. Item si quedam breviter, sed insigniter dicta, velut apophthegmata, proverbia, sententias, in frontibus atq; in calcibus singulorū codicū inscribes, quedam anulis, aut poculis insculpes, nonnulla pro foribus, & in parietibus, aut vitreis etiā fenestris depinges, quo nusquam nō occurrat oculus, quod eruditionem adiuvet. Hæc enim tametsi singula per se pusilla videantur, tamen in unum collata acervum, doctrine thesaurum lucro augent, haud quāquam negligēdo τὸ ἐν τῷ ἔργῳ ἀπορροῦσθαι, id est, his opibus properanti ditescere. Postremo illud non ad unum aliquid, sed ad omnia simul plurimum conducet, si frequenter alios quoq; doceas. Nusquam enim melius deprehenderis quid intelligas, quid non. Atq; interim nova quedā occurrunt cōmentanti, differentiūq; nihil nō altius infigitur animo.

DE RATIONE INSTI-

tuendi discipulos.



SED uideo te cupere, ut de docēdi quoq; ratione non nihil attingamus. Age, mos geratur Viterio: quanquā uideo Fabiū hisce de rebus diligentissime præcepisse, adeo ut post hunc de iisdem scribere, prorsus impudentissimum esse uideatur. Ergo qui uolet insti

instituere quempiam, dabit operam, ut statim optima tra-
 dat: verum qui rectissime tradat optima, is omnia sciat ne-
 cesse est, aut si id hominis ingenio negatum est, certe Docentem omnia scire necessarium.
 uniuscuiusq; discipline præcipua. In hoc non ero conten-
 tus decem illis, aut duo decim autoribus, sed orbem illum do-
 ctrinae requiram, ut nihil ignoret, etiam qui minima parat
 docere. Erit igitur huic per omne scriptorum genus uagan-
 dum, ut optimū quencq; primū legat, sed ita ut neminē re-
 linquat ingustatum, etiā si parum bonus sit autor. Atq; id
 quo cumulatione fructu faciat, aut locos et ordines quos-
 dā, ac formulas in hoc paratas habeat, ut quicquid usquam
 incidit annotandū, id suo ascribat ordini. Sed hoc qua-
 ratione fieri oporteat, in secundo de Copia cōmentario de-
 monstrauimus. Verū si cui uel oculū, uel librarū copia de-
 fuerit, plurima Plinius unus suppedabit, multa Macro-
 biius et Athenæus, uaria Gellius. Sed in primis ad fontes
 ipsos properandū, id est Græcos et antiquos. Philosophiā
 optime docebit Plato, et Aristoteles, atq; huius discipu-
 lus Theophrastus, tū utrinq; mixtus Plotinus. Ex Theolo- Theologi.
 gis secundum diuinas literas, nemo melius Origene, nemo
 subtilius aut iucundius Chrysostomo, nemo sanctius Basili-
 o. Inter Latinos duo dūtate insignes in hoc genere, Am-
 brosius mirus in allusionibus, et Hieronymus in arcanis
 literis exercitissimus. Quod si minus uocabit minorari
 singulis, oēs tū censeo de gustandos, quorum in præsentia
 catalogum texere, non est ratio. Certe propter Poëtarum Poëtae.
 enarrationē, quibus mos est ex omni disciplinarum genere
 sua temperare, tenenda est fabularū uis, quam unde potius
 petat, quàm ab Homero, fabularū omnium parētē? Tametsi

DE PVERIS INSTI-

Memtorphoses, ac Fasti Nafonis non leue momentum adferent, etiam si latine scripti. Tenenda Cosmographia, que in historijs etiam est usui, necdum in poëtis. Hâc breuissimè tradit Pomponius Mela, doctissime Ptolemæus, diligentissime Plinius. Nam Strabo non tantum hoc agit. Hic præcipua pars est obseruasse que montium, fluminû, regionum, urbium, vulgo recepta vocabula, quibus antiquis respondeant. Eadem debet esse cura in arborum, herbarum, animantium, instrumentorum, uestium, gemmarum nominibus. In quibus incredibile dictu, quàm nihil intelligat literatorum vulgus. Horum notitia partim è diuersis autoribus, que de re rustica, de re militari, de architectura, de re culmaria, de gemmis, de plantis, de naturis animantium conscripserunt, colligitur. Quinquàm Iulius Pollux ex professo de rerum vocabulis tradidit, que utinam tam accurate distinxisset, quàm congesit copiose, partim ex etymologijs, partim ex his linguis que priscei sermonis & incorrupti, manifesta uestigia seruant in hæc usque atatem. Cuiusmodi lingua Constantinopolitanorum, Italorum, & Hispanorum, nam Gallorum oratio longius degenerauit. Tenenda antiqitas, que nõ modo ex uetustis autoribus, uerumetiam è numismatis prisceis, è titulis sacrisq; colligitur. Ediscenda & deorum genealogia, quibus undique refractæ sunt fabule. Eam post Hesiodum feliciter quàm pro suo sæculo, tradidit Bocatius. Non ignoranda Astrologia, quod hâc passim suis significationibus aspergunt poëte, præsertim Higini. Tenenda rerum omnium uis, atque natura, propterea quod hinc similia, epitheta, comparationes, imagines, metaphoras, atque alia

Cosmo-
graphi.

Iulius pol-
lux.

Antiqitas.

Genealo-
gia deorû.

Astrolo-
gia.

alia

alia id genus schemata solemnt mutuo sinere. In primis autem omnis tenenda est historia, cuius usus latissime patet, Historia, nō tantum in poëtis. Iam si quis Prudentium, unum inter Christianos vere facundū poëtam, uolet enarrare, literas etiam arcanas calleat oportet. Postremo nulla disciplina est, nec militiæ, nec rei rusticæ, nec musicæ, nec architecturæ, que nō usui sit ijs, qui poëtas, aut oratores antiquos susceperint enarrādos. Sed ideo iamdiu frontē contrahis. Na tu inquis, inuēsum onus imponis etiā literatori. Onero sanè, sed unū, ut quāplurimos exonerem. Volo ut unus euoluat oīa, ne singulis uniuersa sint euoluenda.

Iam uero de formando puerorum ore, deq; tradendis **I**ccu per lusum, iocumq; literarum figuris, satis præcepit Fabius. Equidem post tradita elementa prima, malim ad usum loquendi statim uocari puerum. Etenim cum intra pauculos menses, quāuis barbaram linguam etas ea souet, quid uetat quo minus idem fiat in lingua Græca siue Latina? Verum id nec in magno puerorum grege locum habet, & domesticam præceptoris consuetudinem requirit. Quāquā in ludo quoque dabit operam, ut siue pluribus loquatur, siue seorsum uni, quāu potest emendatissime dicat. Quædam obiter interpretetur, & ut intitentur, admoneat. Loquentes illos aliquoties colaudet, si quid dictum erit aptius: aut emendet, cum errabunt. Ea res efficiet, ut illi quoque consuescant circumspēctius & accuratius loqui, & præceptorem loquentem attentius obseruent. Inuabit & illud, si præpositis præmiolis, aut pœnis, uelut ex lege prouocentur, ut ipsi quoque inter sese alius alium emendent. Porro præceptor
eruditores

eruditiores aliquot deliget, qui controuersiam finiant. Neque fuerit inutile, cen formulas aliquot proponere pueris, quibus orationibus in lusu, quibus in cōgressu, quibus in cōiuijs uti debeāt. Has sic oportet esse doctas, ut simul & faciles sint, & incunde. Porrò doctor ille diligens & doctus, acriq; iudicio, non grauidabitur, collatis oībus grāmaticorū præceptis, excerpere quedam, & simplicissima quoad fieri potest, & breuissima, tum ordine quā maxime cōmodo. Posteaquā ea tradidit, statim ad autorem aliquem ad id accommodatissimum, ac loquendi, scribendiq; consuetudinem uocentur. Hic præceptiones ante traditas ut incident, exemplaq; diligenter inculcabit, quibus etiam addet nonnihil, uelut iam tum ad maiora præparans. Hinc iam thematijs exerceri debent. In quibus illud in primis canēdum, ne (quod fieri solet) aut sensu sint inepto, aut sermone insulso, sed argutam aliquam, aut uenustam habeant sententiam, quæ tamen ab ingenio puerili nō nimium abhorreat, ut interim aliud agentes, simul & aliquid discant, in grauioribus studijs usui futurum. Habeat igitur thema, quod pueris proponas, aut historiam memorabilem. Quod genus sunt illa. Marcelli præcepta calor rem Romanam subuertit. Fabij prudens cunctatio restituit. Quāquam hic subest etiam sententia. Nimirum præcipitata consilia parum feliciter euenire solere. Item, difficile indicatu sit, uter altero fuerit stultior. Crates, qui aurum abiicit in mare, an Midas, qui existimauit nihil auro melius esse. Item, Demostheni ac Ciceroni immodica eloquētia exitio fuit. Rursum, nulla laus Codri Regis meritis par esse potest, qui ciuium salutem proprie uite dispendio

Thematijs
exercendi
pueri.

spendio redimendam putauit. Sed non magni negotij fuerit huiusmodi uim ex historiographis, præcipue Valerio Maximo, colligere. Aut fabulâ habeat, ut illud, Hercules expugnandis monstris immortalitatem sibi parauit. Musæ fontibus ac nemoribus uicæ gaudent, à famosis urbibus abhorret. Aut apologum, ut. Recte docuit Cassita nõ esse cõmittendum amicis negocium, quod per te possis conficere. Item, Mantican pectore propendentẽ uidet omnes, eam que à tergo pedit, uidet nemo. Itẽ, Sapiebat uulpes, que maluit muscas iam prope saturas retinere, quàm his expunctis, uascus ac sitientes admittere, que quicquid reliquum esset sanguinis, epotarent. Aut apophthegma, ut, Longe dissentiebat à ulgo nostræ ætatis, qui maluit uirũ absq; pecuniâ, quàm pecuniã sine uiro. Itẽ, Iure Socrates cõtenuit eos q nõ edunt ut uiuant, sed uiuunt ut edant. Merito non probauit Cato eos, qui plus sapiunt palato, quàm animo. Aut prouerbiũ, ut. Ne sutor ultra crepidã. Et, Nõ cuiuslibet hominis Corinthum nauigare. Ac nos quidem editis tot chiliadibus, effecimus, ne difficilis esset horum inuentio. Aut sententiam, ut. Nihil carius constat, quàm quod precibus emitur. Et, Obsequium amicos, ueritas odiũ parit. Et, Amici, qui procul absunt, amici non sunt. Aut rei cuiuspiam insignem naturam. Ut, Magnes ad se ferrum attrahit, Nãphta ignem. Item, Palmæ ea est natura, ut pondere imposito, non modo nõ deprimatur ad terram, uerumetiam sursum nitatur, & altius erigat sese. Item, Mirum Polypi ingenium, qui ad speciem subiecti soli mutat colorem, quo fallat insidias piscatoris. Aut figuram eximiam, puta gradationem. Diuitie luxum pariuunt,

rimus, locus saturitatem, saturitas ferocitatem, ferocitas odium multorum, odiū perniciem. Aut similitudinem. Vt quemadmodū ferrū si exerceas, usu atteritur, sinō exerceas, exeditur rubigine: Ita ingenium si exerceas, labore absumitur, si non exerceas, magis otio, situq; leditur. Aut allegoriā. Vt nō est addendus ignis igni, nō est addendum oleum incendio. Aut cōmutationem. Vt non ideo te talem iudico, quod uehementer amem, sed ideo uehementer amo, quod talem iudicārim. Aut distributionem. Stultior est, quā ut possit tacere, infantior, quā ut possit loqui. Simplicior est, quā qui possit mentiri, granior quā ut uelit. Sed mihi sat est indicasse tantū. Aut exquisitam aliquā elegantiam, cuius rei non est necesse ponere exemplū. Nihil autem obstat, quō minus plures cōmoditates in eandem incidant orationem, ueluti sentētia, historia, proverbiū, & figura. Ergo præceptor, quē oportet assidue in bonis autoribus obseruari, huiusmodi cœn flosculos undiquaq; colliget, eosq; delectos proponet, aut etiam in eam formā demutabit, ut puerorum ingenijs sint accommodati. Postquam his rebus ad aliquantū sermonis peritiam prouentus eris puer, tuum si uidebitur, ad maiora grammatices præcepta reuocetur. Quæ per locos & ordines quosdam ita tradenda sunt ut primo loco simplicissima proponantur, eaque paucis. Deinde utcūque adoleseunt discentiū ingenia, ita maiora suis queq; locis oportebit subijcere. Is ordo cuiusmodi sit, è Theodori Gaze Grammatica exemplum sumas licebit. Nec in his tñ uelim eos detineri longius, sed ilico ad autores grauiores reuocari. Præsertim si prius summā illam, de qua dixi, rhetorices, ac figurat,

& car

5
 Misori-
 bus grama-
 tices præ-
 ceptis.

T V E N D I S.

Et carminum formas tenent. Interim thetatis quoque dif- Thematia
difficilio-
ribus.
ficilioribus sunt exercendi, in quibus deligendis ac narra-
dis, diligentem ac doctum præceptorem requiram. Qui si
fit mediocre, modo sit idem modestus, non gravabitur hæc
ab alio doctiore petere. Thematium autem forme huiusmodi
serè possint esse. Nunc epistolæ brevis argumentum, sed
argutum, lingua vulgari proponat, Latine Græcèque, aut
utroque sermone tractandū. Nunc apologū. Nunc narratiu-
culam non insipidam. Nunc sententiā ex quatuor constan-
tem partibus, utriusque simili aut ratione subiecta. Nunc ar-
gumentationē quinque tractandā partibus. Nunc dilemma
duobus. Nunc expolitionē quam uocant, septem partibus
explicandam. Aliquando tanquam ad rhetoricam præluden-
tes, unum aliquod membrorum seorsum tractent. Cuius-
modi progymnasmata scripsit Aphthonius. Aliquando
laudem, uituperationem, fabulam, similitudinem, compa-
rationem. Aliquando figuram, uel descriptionem, distri-
butionem, sermocinationem, subiectionem, notationem.
Aliquoties inbeantur carmen aliquod soluere, aliquoties
solutam orationem pedibus alligare. Interim Pliniam, aut
Ciceronis epistolam, uerbis ac figuris imitentur. Non
numquam eandem sententiam uariatis uerbis ac figuris,
sepius effertur. Nonnumquam eandem Græce simul ac Lati-
ne metro et oratione prosa uariet. Nonnumquam eandem
quinque aut sex carminum generibus, que doctor præscri-
pserit, explicent. Nonnumquam sententiam eandem per lo-
cos quæ plurimos ac schemata diffingant. Plurimum aut frus-
ctus est in Græcis uertendis. Quare conueniet eos, hoc in ge- In Græcis
uertendis.
nere sepiissime ac diligentissime exerceri. Nam simul et
exercetur

DE PVERIS INSTI-

exercetur ingenium in deprehendendis sententijs, & utriusque sermonis usus ac proprietates penitus inspicitur, & quid nobis cum Grecis commune sit, quid non, deprehenditur. Denique ad reddendam Græcicam emphasim, omnes Latine lingue operes excutias oportet. Hæc si initio pueris difficulta videbuntur, tum usu fient faciliora, tum præceptoris ingenium, ac studium bonam negotij partem pueris adinect, indicantis quæ putet esse supra vires illorum. Atque ijs interim exercitamentis crebre prælectiones auctorum miscantur, ut suppetat quod imitentur. Quamquàm is, qui docet, proposito themate, simul uerborum quoque & figurarum copiam debet indicare. Sub hæc ad inueniendi quoque laborem prouocentur, ita propositis nudis argumentis, ut suo quisque Marte reperiat, quæ pertinent ad rem tractandam, ornandam, locupletandam. Et hic delectum ac uarietatem requiram à præceptoris eruditi diligentia, gustum interim exhibebo. Saepius argumentum epistolæ proponat suasoriæ, dissuasoriæ, exhortatoriæ, dehortatoriæ, narratoriæ, gratulatoriæ, expositulatoriæ, commendatoriæ, consolatoriæ. Et uniuscuiusque generis naturam, locos, ac formulas quasdam communes: deinde etiam argumento proposito, peculiare indicabit. Aliquando ceu declinatorium thema dabit, in diuersis generibus, puta si iubeat eos uituperare Iulium Cæsarem, aut laudare Socratem, in genere demonstratiuo. Item statim optima discenda. In opibus non esse felicitatē. Matrem proprio lacte nutrire debere, quod peperit. Literis Græcis non esse dandā, aut esse dandā operā. Uxorem esse ducendā, aut non esse ducendā. Peregrinandū esse, aut non esse

ad inueniendi
tionem prouocandi

esse peregrinandum, in genere suasorio. Item, M. Horatium indignum esse supplicio, in genere iudiciali. Verum hanc palestram primum ingredientibus, non grauabitur is, qui docendi prouinciam suscepit, primū iudicare, quot propositionibus id argumentum tractari possit. Præterea propositionum ordinem demonstrabit, & quo pacto alia ex alia pendeat. Deinde quot rationibus unaqueq; propositio fiduciari debet, quot cōfirmationibus unaqueq; ratio. Tum circūstantias ac locos unde ista peti possint. Deinde quibus similibus, dissimilibus, exemplis, collationibus, sententijs, prouerbijs, fabulis, apologis unaqueq; pars locupletari queat. Ostendat & schemata, si qua insigniter uidebuntur incidere posse, quæ uel acriorum, uel ampliorū, uel magis dilucidam, uel iucundiorum reddant orationem. Si quid erit amplificandum, rationē demonstrat, siue per locos cōmunes, siue per eas rationes, quas in quatuor formas distribuit Quintilianus. Quod si qui inciderint affectus, hi quoq; quo pacto tractandi sint, admonēbit. Quin & connectendi rationes præscribat, quis sit optimus finis transitus, ab exordio ad narrationē, à narratione ad diuisionem, à diuisione ad argumentationem, à propositiue ad propositionem, à ratione ad rationem, ab argumentatione ad epilogum, aut perorationē. Ostēdat & formulas aliquot, quibus ibi cōmode possint exordiri, aut etiam perorare. Postremo si potest, locos aliquot in autoribus indicet, unde ualeant aliquid imitandū sumere, propter rerum affinitatē. Id ubi septies, aut octies erit factū, iam incipient (quod ait Horatius) sine cortice nare. Et satis erit nudum thema ministrasse, nec uicisse fuerit, semper uelut

infantibus cibum præmansum in os inserere. Nec mihi dis-
 plicet illud exercitationis genus, quod apud antiquos in
 usu uideo fuisse, ut ex Homero, Sophocle, Euripide, Vergi-
 lio, aut etiã ex historijs aliquando legatur themata. Puta,
 ut Menelaus apud Troianã concionẽ repetat Helenã. Aut
 Phoenix suadeat Achilli, ut redeat in præliũ. Aut Ulysses
 suadeat Troianis, ut Helenam reddant, potius quã bellũ
 experiantur. Quo in genere extant aliquot Libanij &
 Aristidis declamationes. Præterea, uti suadeat aliquis anti-
 cus Ciceroni ne conditionem ab Antonio oblatã accipiat,
 quod argumentũ est apud Senecam. Vti Phalaris suadeat
 Delphis, ut tauro eum deo suo cõscrent. Ad hoc ge-
 nus pertinet epistola, quæ Phalaridis ac Bruti nomine cir-
 cūferuntur. In emendando collaudabit, si quid feliciter innẽ-
 tum, tractatum, aut imitatum uidebitur, si quid præter-
 missum, aut non suo loco positum, si quid nimium, aut re-
 missius, si quid obscurius, aut etiã si quid parum elegãter
 dictum erit, adnotabit. Et quo pacto mutari possit osten-
 det, ac mutari, & sæpius iubebit. Extimulabit aut præci-
 pue discentiũ animos, cõparatione profectus, uelut annu-
 latione quadã, inter ipsos excitata. Iam in prælegendis au-
 toribus nolim te facere, quod præua quadã ambitione uul-
 gus professorũ hodie facit, ut omni loco coneris omnia dis-
 cere, sed ea dũtaxat, quæ explicando præfenti loco sint ido-
 nea, nisi si quando delectandi causa digrediendum uidebi-
 tur. Quod si huius quoq; rei rationem à me requiris, hæc
 mihi quidem uidebitur optima. Primo loco ad cõciliandos
 auditores, laudes eius, quæ prælegendũ sunt, paucis expli-
 cet. Deinde argumenti iucunditatẽ, utilitatẽq; ostendat.

Deinde

Obseruan-
 da in isto
 ribus præ-
 legendis.

Deinde uocem argumenti, si fortè (ut faciunt pleræq;) uarios habeat usus, explicet ac distinguat. Veluti comœdiã (ut hoc exempli loco sumamus) Terentianam interpretaturus, in primis de autoris fortuna, de ingenio, de sermone elegantia paucis disserat. Deinde quantum habeat & uoluptatis & utilitatis comœdiarũ lectio, deinde quid significet ea uox, & unde ducta, & quot sint comœdiarũ genera, & quæ sint comœdiæ leges. Deinde quàm potest & dilucide, & breuiter summã explicet argumenti. Carminis genus diligenter indicet. Post ordinet simplicius, deinde singula fusius explicet. Deinde si qua insignis elegantia, si quid prisce dictum, si quid nouatũ, si quid Græcanicum, si quid obscurius aut longius redditũ, si durior aut perturbatior ordo, si qua etymologia, si qua deriuatio aut compositio scitu digna, si qua orthographia, si qua si gura, si qui loci rhetorici, si qua exornatio, si quid deprauatum, diligenter admoncat. Tum loca similia ex autoribus cõserat, si quid diuersum, si quid affine, si quid imitatum, si quid allusum, si quid aliunde translaturũ, aut mutuo sumptum. Ut sunt pleræque Latinorum à Græcis profecta, ne id quidem taceat. Postremo ad philosophiam ueniat, & poëtarum fabulas apte trahat ad mores, uel tanquàm exempla. Ut Pyladis & Orestis, ad amicitie commendationem. Tantali fabulam, ad auaritie detestationem. In his non mediocriter adiuuabit docentem Eustathius, Homeri interpretes. Atq; ita fiet (si modo sit ingenij dextri præceptor) ut etiã si qd incidere, qd inspicere possit ætatem illã, non solũ, nõ officiat moribus, uerũ etiã utilitatẽ aliquã adserat. Videlicet animis partim ad annotationẽ

DE PVERIS INSTI-

intentis, partim ad altiores cogitationes auocatis. Veluti si quis praefecturus secundam Maronis *eglogam*, contumda praefatione praeparet, vel potius praemuniat auditorū animos ad hunc modum, ut dicat, Amicitiam nō coire nisi inter similes, similitudinem enim esse benevolentiae mutuae conciliatricem, contra dissimilitudinem odij, dissidijq; parentem. Quoq; maior ac uerior, stabiliorq; similitudo fuerit, hoc firmiter, atq; arctior est amicitia. Id nimirū sibi nolle tot apud autores prouerbia. Boni ad bonorum cōiunia, & inuocati accedūt: Et, simile gaudet simili: Et, equalis equalem delectat: Et, equalem tibi uxorem quere: Et, ut semper similem ducit deus ad similem: Et, semper graculus asidet graculo: Et, similes habent labra lactucarum: Et, pares cum paribus facillime congregantur: Et, Cascus Cascam ducit: Et, balbus balbum rectius intelligit: Et, cicada cicadae chara, formica formica: Et, Cretensis cum Aeginita. Cōtra tot dissimilitudinis adagia, nihil aliud sibi bñelle, quàm inter eos, qui dissimili sunt fortuna, dissimilitate instituto, dissimilibus studijs, aut omnino non coire amicitiam, aut si coierit, non coherere, citoq; dirimi atq; ob id fieri, ut idiota studiosum litterarum oderit, prophanus sacerdotem, rusticus aulicum, iuuenis senem. Atq; in eodem genere, Epicureus Stoicum, Philosophus Iuriconsultum, Poëta Theologū, balbus eloquentem. Hinc geminorum gratiam fratrum, Amphionis & Zeti penè dissimilijse, quod alter lyrae studiosus esset, alter agris colendis gauderet: ac dissilierat, nisi Amphion abiecta lyra, fratris ingenio cessisset. Ob eandē causam insincera fuit Castoris & Pollucis amicitia, neq; caruit infamia tētati parricidij,

Similitudo

Dissimilitudo.

cidij, cum uterq; eodem ex ovo essent prognati, ut iã mæ-
 gus esse gemelli uon possent, quod alter pugil esset, alter
 equus delectaretur. Hinc male conuenisse Remo cū Roma-
 lo, quod alter tristioribus, ac seueris esset moribus, alter
 blandior, unde & Romulo pro Remo mutatum nomen.
 Pessime conuenisse Cain cum Abel, quod diuerso tãtæ ges-
 nere caperentur. Summum autem amorem summæ simili-
 tudinis esse comitem, atq; idco fictum à poëtis quemadmo-
 dum Narcissus, ante ab omni abhorrens consortio, simul
 atq; suã ipsius imaginẽ in limpidissimo fonte conspexisset,
 protinus amore flagrantissimo cepit ardere. Quid enim
 nostri similis, quã ipsa imago? Ergo cum doctus doctũ
 amat, sobrius sobrium, modestus modestum, probus pro-
 bum, nihil aliud amat uterq;, quã suam ipsius in altero
 imaginem, hoc est seipsum, sed alio modo. Verum ea simi-
 litudo, si quidem sita est in bonis animi, que uere sunt bo-
 na, hoc est pietate, iustitia, temperantia, tum eiusmodi na-
 scitur amicitia, cuiusmodi sunt et res, quibus amicitia cõci-
 liatur, hoc est honesta, uera, sincera, stabilis, eterna. Cõ-
 tra, si in rebus corporæ ac fluxis, aut etiam temporibus, eã
 nec uere esse amicitiam, nec incundan, nec diuturnã oste-
 det. Proinde Platonem duas finxisse Veneres, alterã cõ-
 lestem, alterã terrestrem. Duos itẽ Cupidines, suæ utrũq;
 matri respondentes. Cœlestem uerat gignere formas, &
 huius filiũ ueros & honestos manittere amores. Inter bo-
 nos semper amorẽ esse mutuũ, inter uulgares plerũq; alte-
 rum amare, alterũ odisse, alterum prosequi, alterũ fugi-
 tate. Id accidit serè propter ingeniorũ uitãq; dissimilitu-
 dinem. Quod quidẽ eleganter significat apud poëtã Cu-

pido, qui nonnunquam hunc anrea casside figit, illū plum-
 bea, illam ut amet, hunc ut abhorreat, atq; hoc amicitiae
 genere nihil esse potest infelicius. Fius igitur amicitiae ma-
 le coherentis, quasi simulacrum quoddam in hac eglo-
 ga proponit Vergilius. Corydon rusticus, Alexis urba-
 nus, Corydon pastor, Alexis aulicus, Corydon indoctus
 (non huius carmina vocat incondita) Alexis eruditus, Co-
 rydon etate prouectus, Alexis adolescens, Corydon de for-
 mis, hic formosus. Breuiter, dissimilia omnia. Quare pru-
 dentis est amicū suū moribus aptum deligere, si uelit ama-
 ri mutuū. Hæc inquam si præfertur, tum autem locos de-
 monstratorios perperam, & bucolice à rustico affectu-
 tos indicet, nihil opinor turpe ueniet in mentem auditoris
 bus, nisi si quis iam corruptus accesserit. Nam iste uen-
 nam non hinc hauserit, sed hinc secum attulerit. Hoc exem-
 plum uerbosius exposui, quo facilius in cæteris item sibi
 quisq; similia reperiât. Iam in aggressu cuiusq; operis cō-
 ueniet in genere demonstrare, quæ sit argumenti natura,
 & quod in eo potissimum sit spectandum. Velut in epigrā-
 matibus argutam breuitatē laudari. Tum iocandi rationes,
 quas Fabius & Cicero tradunt, indicabit. Hoc genus præ-
 cipue gaudere epiphonematis, commode in fine adiectis,
 quæ cogitationem uelut acideatam in animo lectoris relin-
 quant. In Tragedia præcipue spectandos affectus, & qui
 dem ferè actiores illos, ij quibus rebus moueantur, paucis
 ostendet. Tum argumenta ueluti declamantium. Postre-
 mo descriptiones locorum, temporum, rerum, aliquoties
 & argutas altercationes includere, quæ nunc distinctis,
 nunc singulis uersibus, nunc hemistichijs absoluantur. In
 comœdia

T V E N D I S.

comœdia cum primis observandum esse decorum, & vitæ communis imitationem, affectus esse mitiores, & iucundos magis quàm acres. Decorum autem in primis spectari, non solum illud commune, ut adolescentes ament, lenones peierent, blandiatur meretrix, obiurgat senex, salutat servus, iactet se miles, atque id genus alia: verum peculiare quoddam, quod suo arbitratu alijs aliud affingit poeta. Velut in *Andria* duos inducit senes, longe diverso ingenio. *Simonem* vehementem, ac submorsosum, hanc stultum tamen, nec improbum. Contra *Chremetem* civilem, ac semper placidum, ubique sibi præsentem, omnia quantum potest pacantem, at ita tamen lenem, ut minime stupidum. Duos item adolescentes dissimili natura. *Pamphilum* cordatum pro ratione ætatis, & consultabilem, sed acriorem, ut *Simonis* filium possis agnoscere. E diverso *Charinum* puerilem, ineptum, consilijsq; inopem. Rursum servos duos diversis moribus. *Danum* nativum & consilijs abundantem, ac sperandi pertinacissimum autorem. E regione *Birriam* nullius consilij, tantùm perpetuam desperationis autorem vero. Ad eundem modum in *Adelphis*, *Mitionem* etiam in obiurgando matrem, ac festivum. Deinde antian in blandiendo amarulentum. Rursum *Aescbinum* propter urbanæ vitæ consuetudinem, & *Mitionis* fiduciam nihil non audentem, sed ita ut probum ingenium deprehendat, officiosum in fratre, fidum in puellam. E diverso *Ctesiphontem* subrusticum ac timidum, propter eorum rerum insolentiam. *Syrum* callidum & audacem, nihilq; non simulantem, ac dissimulantem adeo, ut sola ebrietas detexerit illius ficos. *Dromonem* stupidum, atq; hebetem.

Sed ista persequi non huius est instituti, in presentia satis est uiam indicasse. In *eglogis* admonet esse aurei seculi, ac priscae illius uitae imaginem. Proinde quicquid illic est sententiarum, simulium, aut comparationum, à uita pastorali sumi, affectus sunt simplices, cationibus, sententijs, ac proverbijs delectantur, superstitione et augurijs capiuntur. Ad eundem modum, quid propriū habeat carmen heroicū, quid historia, quid dialogus, quid apologus, quid satyra, quid oda, quid reliqua scripti genera curabit ad mouere. Tum quae sint singulorum autorū in singulis argumentis dotes, aut etiam uitia, non grauabitur indicare: quo iam tum assuescant adolescentes, ei quod est in omni re praecipuum, iudicio. Atq; in hac parte praecceptorem, praeter artem et ingenium, adiuuabit etiam libellus Ciceronis de claris oratoribus, et Quintiliani, Senecae, atq; Antonij Campani de scriptoribus censura, neq; non ueteres interpretes, praecipue Donatus hac in re peculiariter occupatus. Huc pertinet et consilij ratio: ueluti quare M. Tullius in defensione Milonis fuerit sese timere. Et quare Vergilius tanto pere laudibus uehat Turnum hostē Aeneae. Et quare abdicatus medicus apud Lucianum non ledit nouercam, sed magis laudat et in patrē acrior est, quā in nouercam. Sed id quoq; in immensum patet. At iudicabit aliquis haec nimium habere negotij, equidem praecceptorem eruditum, longoq; usu exercitatum nolo esse. Is si continget, haec etiā facile percipient pueri. Quod si qua initio erunt duriora, progressu et assuetudine mollescent. Optima certe sunt, nisi fallor, et optimis conuenit statim assuescere, quauquam haec non ubiq; omnia sunt incalcanda, ne

da, ne tedio grauentur ingenia discantium, sed ut incideant in insigniora. Neque uero minorem adhibeat curâ præceptor in exigendo quæ commiserit, quàm in prælegendo. Est omnino labor hic docti grauisissimus, sed discantibus utilissimus. Nec ordinem exigat dūtaxat, sed quicquid scitu dignum fuerit creditum, id assuescant bona cum fide reddere. Neque uero deterreat ab hac re difficultas, quæ uel uenustro temporis spacio uincitur. Mihi nunquam placuit, ut omnia dictata scribant adolescentes. Fit enim hoc pacto, ut memoriæ cultus negligatur, nisi si quæ pauca quedam notulis uelint excipere, idque tantisper donec usu confirmata memoria, scripti non desiderent adminiculū. Postremo tantum arbitror esse momenti in commoda docendiratione, si modo diligens et eruditus contigerit præceptor, ut non dubitarim meo recipere periculo, me minore negotio, ac paucioribus annis adolescentes ad utriusque lingue mediocrem etiam eloquentiam perducendum, modo dentur ingenia non omnino infelicia, quàm isti literatores ad qualemcumque illam suam balbutiem uel infantiam potius prouehunt suos. His igitur rudimentis puer in prima imbutus schola, deinde bonus aures ad altiores disciplinas cōferat sese, et quo cūque se uerterit, facile declarabit, quãtoperere referat ab optimis auspiciatū fuisse. Hæc habui in præsentia mi charissimæ Petre, quæ tibi de studij ratione scriberem, et si placent, utere, sin minus, sedulitatem certe nostram pro tuo candore boni confides. Tu modo perge, ita, ut instituiſti, in bonas literas incumbere, ac Galliam tuam alioqui florentissimã, honestissimam etiã studijs illustra.

F I N I S.

CONCIO

DE PVERO IESV PRO-

nunciata à puero in schola Coletica nu-
per instituta Londini.



PVER apud pueros verba facturus de ineffabili puero IESV, non optinam tibi Tullianam illam eloquentiam, que breui atq; inani voluptate aures delinuat. Quantum enim abest Christi sapientia à sapientia mundi (abest autem immenso intervallo) tantam oportet Christianam eloquentiam à mundana differre eloquentia. Sed illud unà necam ardentibus notis impetretis velim ab optimi IESV optimo patre deo, à quo ceu fonte, bonorū omnium summa proficiunt, quicq; solus fecundo illo suo spiritu linguas infantium reddit disertas, vel è lætentiū ore laudem absolutam deponere solitus, ut quemadmodum cuius nostra vita non aliam exprimere debet, quàm ipsum, de quo dicturi sumus IESVM: ita & oratio nostra illum sapiat, illum referat, illum spiret, qui & verbum est patris, & verba vite solus habet, cuius sermo vivus, & efficax, penetrantior est quovis gladio ancipiti, ad intimos etiam cordis recessus penetrans. Utq; ipse, de cuius ventre sumina promanant aque vite, non grauetur per organum vocis nostre, veluti per canalem, in omnium vestrum animos influere, multoq; gratie celestis irrigare succo. Id ita futurum confido communitones mei charissimi, si pijs votis purga-

CONCIO:

Est, ac uere sitientes aures adiungetis. Est uidelicet aures, quas eternus ille sermo requirens in Euangelio, Qui habet (inquit) aures ad audiendum, audiat. Nos porrò carnon audeamus rem hanc, arduam quidem illam, sed tamen piam aggredi! Præsertim ipso adiutore deo, in quo hoc plus potest mortalis infirmitas, quo minus suis mititur uiribus, & in quo Paulus omnia se posse gloriatur. Iam uero cum tanto studio flagrent isti, qui mundanæ hoc est diabolicæ militiæ dederunt nomina, ut suum quicquid ducum laudibus uebant: uobis quid prius aut antiquius esse debet, quàm ut præceptorē, iudicem, imperatorem nostrū I E S V M, ac eundē quidē omnium, sed tamen peculiariter nostram, id est, puerorum principem, certatim pijs celebrenus præconijs? Hūc in primis cognoscere studeamus, cognitum laudemus, laudatum amemus, amatum exprimamus, atque imitemur, imitantes eo fruamur, fruentes immortalis felicitate potiamur. Sed in tam ubere tanque inmensa rerum copia, unde quæso initium, aut ubi finem nostra reperiret oratio? cum is, de quo loqui paramus, fons sit, uel (ut uerius dicam) oceanus bonorum omnium. Verum ut ipse natura incomprehensus, & infinitus, tamen sese uelut in arctum cohibuit, contraxitque: itidem & nostra oratio in explicandis eius laudibus, quæ modum nesciunt, modum tamen ipsa sibi faciat oportet. Equidem tria potissimum esse uideo, quæ uel discipulorum uel militum animos solent ad granter agendum inflammare, ea sunt ductus admiratio, amor & premium. Itaque quo præceptor nostro ac duci I E S V studijs alacrioribus pareamus, agendum singulatim hæc in eo pia

eo pia curiositate cōsideremus. Primo loco quāvis sit suspi-
 ciendus undiq; ac stupendus. Deinde quantopere diligen-
 dus atq; ob id imitandus. Postremo quā ingens dilectio-
 nis fructus. Ac mos quidem est rhetorū hoc dicendi genere
 illustrium principum adhibere exempla, videlicet quo col-
 latione crescat is, quē conantior laudibus attollere. Verū
 imperator noster usq; adeo superat omne celsitudinis hu-
 mane fastigium, ut quicquid quantumvis egregium adhi-
 bueris, tenebras adiuveris, non lucem. Cuius enim inagi-
 nes, ac natalium splendor non uideatur esse finitus, si cum
 Iesu componas? Qui quidem ineffabili, unō etiam incogi-
 tabili ratione deus à deo semper absq; tempore nascitur,
 eterno summoq; parenti per omnia æqualis? Quāquam
 huius vel humana natiuitas nōnne facile regum omnium cla-
 rintem obscurauerit? Quippe qui stupente rerū natura,
 autore patre, afflante spiritu, pronubo angelo, citra uiri-
 lem operā, uirgo de uirgine caelitus grauida, natus est ho-
 mo in tempore. Et rursus, ita natus homo, ut neque deus
 esse desineret, neq; sordium nostrarum quicquam omnino
 contraheret. Iam uero quid eo fingi potest amplius, qui
 infusus per omnia, nullo tamē loco cohibitus, in seipso ma-
 net immensus? Quid illo ditius, qui summū illud est bonū,
 à quo bona promanant omnia, nec tamen ipse diminui po-
 test? Quid illustrius eo, qui splendor est paternæ gloriæ,
 quiq; solus illuminat omnem hominem uenientem in hunc
 mundum? Quid illo potentius, cui pater omnipotens uni-
 uersam tradidit potestatem in caelo et in terra? Quid effi-
 cacius eo, qui simplici uerbo condidit uniuersa, ad cuius
 iussum silesceat mare, uertuntur rerū species, fugiūt morbi,
 cōcidunt

CONCIO.

*concidunt armati, pelluntur demones, seruiunt elementa,
 scinduntur petrae, reuiuiscunt mortui, resipiscunt peccatores,
 demique nouantur omnia! Quid angustius eo, quem
 admirantur superi, tremunt inferi, medius hic orbis sup-
 plex adorat, ad cuius comparatione summi reges nil aliud
 quam uermiculos esse se confitentur? Quid eo fortius atque
 inuictius, qui solus mortem alijs inuictam, sua morte deuicit,
 ac Satanae tyrannidem caelesti uirtute demolitus est?
 Quid triumphantius eo, qui perfractus ac spoliatus inferis,
 tot pijs comitatus animabus, uictor caelos adiit, ibique
 sedet ad dexteram dei patris? Quid illo sapientius, qui tam
 admirabili ratione cuncta condidit, ut uel in apicula tot,
 tantaeque suae sapientiae reliquerit miracula? quique tam stu-
 pendum rerum ordine, atque harmonia uellit, continet, ad-
 ministrat uniuersa, obiens omnia, nec tamen a seipso disce-
 dens, omnia mouens, ipse immotus, omnia concutiens, ipse
 tranquillus, postremo in quo id quod stultissimum est, uni-
 uersam mortalium sophorum sapientiam longo superat
 intervallo. Cuius debet nobis esse grauior autoritas, quam
 eius, de quo pater ipse palam est testificatus, Hic est filius
 meus dilectus, in quo mihi complacui, ipsum audite. Quid
 aeque reuerendum atque is, cuius oculis perspicua sunt omnia?
 Quid perinde formidandum atque ille, qui solo nutu potest
 et animam et corpus in tartara mittere? Quid
 autem formosius eo, cuius uultum intueri summa est felicitas?
 Denique si multis pretium reddit antiquitas, quod illo
 antiquius, qui nec initium habet, nec finem est habiturus?
 Sed fortasse magis comenerit, ut pueri puerum admire-
 mur, quandoquidem hic quoque stupendus occurrit, usque
 adeo,*

DE PVERO IESV

adeo, quod illius est infimum, sublimius est ijs, que sunt apud homines excelsissima. Quantus erat ille, quem infandum uagientem, pannosum, abiectum in presepe, tamen ecelitus canunt angeli, adorant pastores, adorat & que geniat, agnoscunt bruta animantia, indicat stella, uenerantur Magi, timet rex Herodes, trepidat omnis Hierosolyma, sanctus amplectitur Symeon, naticinatur Anna, in spem salutis eriguntur pij? O humilem sublimitatem, & sublimem humilitatem. Si noua miramur, quid simile unquam aut factū, aut auditū, aut cogitatum? Si magna suspicimus, quid nostro IESV modis omnibus amplius, quē nulla creatura possit uel exprimere uoce, uel cogitatione concipere. Huius magnitudinem, qui uelit oratione complecti, is multo stultius agat, quā si conetur vastissimum oceanum angusto exarare cyatho. Adoranda est eius inuē sitas magis quā explicanda, quā uel hoc ipso magis mirari conuenit, quo minus assequimur. Quid ni nos id faciamus. Cum magnus ille præcursor indignū sese pronuntiet, qui corrigiā calciauerit eū cui soluat? Agite igitur pueri suauissimi, hoc tā inclyto puero IESV præceptore, hoc tam insigni duce sancta superbia gloriemur, huius sublimitas nobis ad pie audendū animos addat, in hoc uno nobis ipsi placeamus, ut existimantes illum omnia nobis esse communia, nos ipsos meliores arbitremur, quā qui semel tali addicti imperatori, mundo utijsue, sordidissimis utiq; dominis, seruiamus.

SECUNDA PARS.

Sed admirantur & contremiscunt etiam demones,
amant soli pij. Quamobrem altera huius orationis pars,
ut propius

C O N C I O.

ut propius ad nos pertinet, ita est attentioribus auribus accipienda, videlicet quot nominibus I E S V S sit nobis amandus, vel redamandus magis, ut qui nos & nondū cōditos ante omne tempus amat in se, in quo iam tum erant omnia. Itaq; nativa sua bonitate cū nihil eſſemus, nos finxit. Fecit autem non quoduis animal, sed hominē, & finxit ad suam ipsius imaginem, hoc est summi boni capaces, ac sacro sui oris afflatu spiritum vitalem indidit. Ad hæc cæteris animantibus imperio nostro parere iussit. Quinetiā angelis in nostri tutelam designatis, latissimā hanc, ac pulcherrimam mundi fabricam nostris addixit usibus, in qua nos velut in admirabili quodam theatro constituit, ut in rebus creatis opificis sapientiam admiraremur, bonitatem amaremus, potentiam veneraremur, quôq; id magis fieret, tot sensuū adminiculis instruxit, tot animi dotibus ornauit, tan perspicaci ingenij lumine condecorauit. Quid hoc animante fingi poterat, vel admirabilius, vel felicius? Sed ò semper felicitatis comitem inuidiam. Rursum serpentis astu in peccatum, hoc est plus quàm in nihilū relapsus est miser. Sed hic rursum optime I E S V, q̄ ineffabili cōsilio, quàm inaudito exemplo, quàm incomparabili charitate tuum signentū restituisſi. nam ita restituisſi ut labi propeno dum expedierit, eamq; culpam quidā nō absurde felicem nocauerit. Omnia debemus cōditori, at reparatori plus quàm omnia debemus. Vltro temetipsum è regno patris in hoc nostrū exilium demisſi, ut nos in paradiso exactos, cæli ciues redderes, nostram humanitatē assumpsisti, ut nos in tue diuinitatis consortium ascisceres, nostrū hunc lumē induisſi, ut nos immortalitatis gloria vesti-

res, no

DE PVERO IESU

res, nostra tectus fortuna, nobiscum in hoc calamitoso mundo complures annos agere uoluisti, ut uel sic in tui raperes amorem, nudus in hanc lucem, inò noctem emerfisti, nobiscum, atq; adeo pro nobis uagisti, sitiisti, esuristi, alsiisti, aestuasti, laborasti, delassatus es, eguisti, uigilasti, ieiunasti, tot malis nostris obnoxius esse uoluisti, ut nos ab omnibus exemptos malis, in tui, hoc est summi boni communionem assereres. Deinde per omnem sanctissimam uitae tuae seriem, quàm efficacibus exemplis animos nostros inflamas? quàm salutaribus praeceptis erudis ac firmas? quàm stupendis miraculis expergefacis? quàm blandis monitis trabis? quàm certis promissis inuitas? ut non sit alia cõmodior uia ad te, nisi per teipsum, qui unus es uia, ueritas, et uita. Sed uiam nõ indicasti modo, uerum etiã aperuisti, dũ pro nobis uinciri, trahi, damnari, rideri, cedi, cõspui, uapulare, probris affici, denum et in ara crucis agnus sine macula immolari uoluisti, ut nos tuis uinculis solneres, tuis sanares uulneribus, tuo lauares sanguine, tua morte ad immortalitatem eueheres. In summa, totum te nobis impendisti, ut tuã (si fieri posset) iactura nos perditos seruares, uite redditus toties tuis apparuisti, atq; illis inuentibus patrẽ repetisti, ut membra cõsiderent eõ se perueitura, quo caput iam praecessisse cõspicerent. Deinde quo magis confirmares amicos, patre placato egregium illud perpetui amoris tui pignus misisti, sacruũ illum spirituũ, quo mortui mundo longe uerius ac felicius ianuueremus in te, quàm nostro hoc spiritu uiuimus. Quae so quid bis summae charitatis argumentis poterat accedere? Ne haec quidẽ tam multa, tam magna flagrantissimo tuo in nos amori sat erant.

QVIS

CONCIO:

Quis enim commemorare possit? quot martyrum mortibus nos ad huius vite contemptum animas? quot uirginum exemplis ad continentiam accendis? quot sanctorum monuentis ad pietatē sollicitas? quā admirādis ecclesie tue sacramentis cōmunis pariter ac ditas: ut cōsolaris, erigis, ornas, doces, mones, trahis, rapis, mutas, trāsformas nos arcanis tuis literis, in quibus uiuas quas dā tui scintillulas condi uoluisti, magnum amoris incendium excitatoras, si quis modo pia diligentia conetur excutere. Denique quā undiq; nobis obuius es, ut quando liceat obliuisci tui. Ad hęc quā paterne toleras peccantes? quā elementer recipis ad te redeuntes? Nec inputas benefācia tua gratis, nec respiscētibus nostra inputas malefācta, ut subinde tacitis uellicas, ac trahis instinctibus? ut emendas aduersis? ut allicis prosperis? ut omnem moues lapidem? ut nusquam cessat ardentissima charitas in fouendis, asserendis, tuendis, beādis nobis? Sed quā pauca de tam innumeris perstrinximus commilitones? Et tamen uidetis quā sit inmensus beneficiorum acruus. Eat nunc qui uolet, et Py-ladas, Orestes, Pyrihoos, Theseos, Damonas, ac Pythias uerbis phaleratis effrat nera prę his nugamenta. Atq; hęc quidem contulit ultro nihil promeritis, inuio transfugis, atque hostibus, et à quibus nihil omnino mutui beneficij redire poterat. Si mediocribus officijs homines ad amādum hominē accendimur, hunc conditorē, uindicem, sic amantem, sic promeritum, non saltem redamabimus? quādoquidem hanc solam gratiam ille à nobis re-
poscit, quam tamen ipsam in nostrum refundit lucrum.
Adamas sanguine mollescit hircino, aquile, leones, pardi,
c delphines

delphines, dracones agnoscunt, ac referūt beneficium: & ó duritiam cordis humani plus quàm adamantinā, si tam inaudita charitate nō mitescit: ó ingritudinē plus quàm beluinam, si tantorum meritorum potest obliuisci: ó sanguinem impudentiam, dicā an potius dementiam, si sic conditus, sic restitutus, sic locupletatus, tanta obrutus beneficentia, ad tantas uocatus spes, quicquam amare potest, præter illum unū, in quo, & à quo sunt omnia, quiq; nobis omnia secum impertit. Porrò autem quāquam hæc mortalis omnis complectitur, tamen nos illi peculiariter debemus, propterea quod in nostrum, hoc est puerorū ordinē singulari quadam propensione, atque indulgentia fuisse sese pluribus declarauit argumentis. Primam, quod ita ut erat uatum oraculis promissus, puer paruulus nasci uoluit cum esset immensus. Præterea quod adhuc uteri uirgini latebris inclusus, infantis item nondum nati gestu, atque exultatione gausus est salutari. Deinde quod statim innocentium puerorum sanguine, suam natiuitatem uoluit consecrari, ut his quasi uelutibus dux inuictus bellum auspicaretur. Adde his, quod instante morte triumphali, Hierosolymam ueniens, puerorum occursum atque officio decorari, puerorū uoce suas laudes decantari maluit. Iam uero quàm amantem, quàmq; sollicitum puerorum patronum agit: cum matribus insantes suos offerentibus, ut IESV contactu consecrarentur, discipulis ne possent admitti uentibus indignans: Siuite (inquit) paruulos uenire ad me. Neque uero pueris benedixit tantum, uerum etiam negat ulli mortalium aditum patere in regnum cælorū, nisi qui ad paruulorum firmam descenderit. Rursum quàm

amanter

CONCIO.

amanter & illud cum tam graniter deterret ab offendendis pusillis, affirmans magis expedire, ut molari saxo collo alligato præceps in mare detur aliquis, quam ut unum quemlibet ex his parvulis offendat. Atque his quàm insignue addidit elogium ad puerorum commendationem? Amen dico vobis, angeli eorum semper vident faciem patris. Gratias agit tibi tuus, ubiq; dicatus grex I E S V præceptor, cui queso ut sacras tuas manus semper admonere velis, & ab omni scâdalo procul arceas. Quid illud? nômie magnum amoris indicium, cû puerû in medio collocatum discipulis cum exemplam proponit? Nisi, inquiens, cõversî fueritis, & efficiamini sicut parvulus iste, non intrabitis in regnum cœlorum. An non eodem pertinet cum Nico demo seiscitanti, qua via possit ad vitã immortalem pertingere, iubet ut denovo renascatur, hoc est in puerum redeat. Vsq; adeo Christo duci nostro placuit infantia, ut senes etiam cogat repuerascere, simodo velint in illius admitti consortium, extra quem nulla salutis spes est. Neq; uero à Christo dissonat Petrus cum admonet, ut tanquam nuper editi infantes lac concupiscamus. Neq; discrepat Paulus: Filioli mei, inquiens, quos iterum parturio, donec foructur Christus in vobis. Idem parvulos in Christo lacte potat. Multa sunt id genus loca in mysticis literis. Omnino Christianismus nihil aliud est quàm renascentia, quàm repucrascentia quedam. Magnum igitur pueri, magnum pueritiæ sacramentum, qua I E S V S tantopere delectatus est. Non contemnamus etiam nostram, quam uerus illæ rerum æstimator tanti fecit. Tantum demus operam, ut eiusmodi simus pueri,

DE PVERO IESV

pueritia
præpo-
sita.

Christiana
& nova
pueritia.

enimmodi diligit IESVS. Diligit autem innocuos, pueros, dociles, simplices: atque illud interim meminerimus hanc deo gratam pueritiam, nō in annis esse sitam, sed in animis, nō in temporibus, sed in moribus. Est enim præpositum quoddā nobisq; magnopere fugiendū puerorum genus, qui merito leui, mente sunt bis suta, & ætate impuberes, utiosa astutia senes sunt. Est igitur nouum pueritiæ genus, quod à Christo probatur, pueritia citra puerilitatem, & omnino senilis quedā pueritia, que non annorum numero constat, sed innocentia, & ingenij simplicitate. An non id palam indicat Petrus cum ait: Deponentes igitur omnem malitiam, & omnem dolum, & simulationes, & inuidias, & detractiones, sicut modo geniti infantes, rationabile, & sine dolo lac concupiscite, ut in eo crescatis in salutem? Cur addidit rationabile? nempe ut excluderet stultitiam, que huius ferè ætatis consuevit esse comes. Cur detrahit inuidias, simulationes, ac reliqua id genus vitia, que senū sunt quasi peculiaris? nimirū ut intelligeremus Christi pueros simplicitate ac puritate æstimare, non natalibus. Ad eundem modū & Paulus: Malitia, inquit, parvuli estote, sensibus autem perfecti. Quinquā est oīno in ipsa puerorū ætate nativa quedā bonitas, ac uelut umbra quedā, ac simulacrum innocentie, uel spes potius atq; incholes futuræ probitatis, mollis & in quemuis habitū sequax animus, pudor optimus innocentie custos, ingenij uitijs uacuum, corporis nitore, ac ueluti flos quidam uernantis eni, & nescio quomodo quiddā spiritibus cognatū ac familiare. Neque enim temere sit, ut quoties apparent angeli puerili specie sese offerant oculis, quin etiam Magi si quando

si quando suis incantamentis spiritum eliciant, in puerile corpus feruntur accersere: at quanto libentius spiritus ille diuinus, pijs ac sanctis euocatus uotis, in huiusmodi domicilia demigrabat? Ergo ad has nature dotes si accesserit summi illius & absoluti pueri imitatio, tum demum & grati in illum, & illo digni pueri uidebuntur. Etenim sic pro merito quis possit non amare? Verum enim uero ea ueri amoris nis est, ut eius quod ames quam simillimus esse cupias. Quod si in nobis efficit amor humanus, quantum emulandi studium excitabit amor diuinus, cui ille collatus uix amoris umbella est? Proinde si uere atque ex animo non uerbotenus IESVM amamus, IESVM pro nostra uirili conemur exprimere, uel potius in illum transformari. Quod si uirum assequi non possumus, saltem pueri puerum imitemur. Quamquam hoc ipsum facinus est haud quaquam puerile, imò senilibus etiam uiribus maius, sed qd' ferè nusquam succedat felicius quam in pueris. Etenim quoties negotium ab humano pendet presidio, tum robur, etas, sexus expenditur: uerum ubi gratie res agitur non nature, tum hoc efficacius exercit sese miraculum spiritus, quo minus erat opis, ac fiduciae in carne. Denique quid dubitemus, aut diffidamus? ipso formante, fingente, ac transformante nos, quem conemur exprimere? Quis Danieli puero tantum addidit prudentie? quis puero Salomoni tantum tribuit sapientie? quis tribus illis pueris tantum adiunxit tolerantie? quis puerum Hely dignum diuino fecit alloquio? quis Nicolao puero? quis Egidio? quis Benedicto? quis Agneti? quis Cæcilie? quis tot tam teneris uirgunculis, tam masculam, atque inuictam uirtutem dedit?

DE PVERO IESV

Profectio non natura, sed gratia, & ubi minus succurrit natura, ibi mirabilius operatur gratia. Hac igitur freti, magno animo studiū emulādi puerū IESVM capeſſamus, nec unquam oculos ab eo velut à scopo deſectamus. Abſolutū exemplar habemus, nihil eſt quod aliūde petere oporteat. Omnis illius vita, qđ nos ſequi debeamus, clāmāta. Quid autem docuit puer ille puriſſimus, de puriſſima uirgine natus? niſi ut omnē huius mundi ſpurciciā, & inquinamenta uitemus, atq; angelicā quandā uitā iam nunc in terris meditemur, hoc eſt id eſſe meditemur, quod illic ſemper ſumus futuri. Porro ſpiritus IESV cum omnibus ſordes auerſatur, & odit, tum præcipue beluinā illam, & proſus homine indignam libidinem. Quid autem docuit nos, natus peregre, editus in tugurio, abiectus in præſepe, pannis inuolutus? niſi ut ſemper meminerimus nos hic paucorum dierum hoſpites eſſe: utq; calcatis opibus, ſpreſtis mundi falſis honoribus, per pios labores ad coeleſtem illam patriam expediſti ſeſtinemus, in qua iam nunc animo uiuamus oportet, etiam ſi corporeis interim pedibus terram contingimus. Rurſum quid admonuit in Aegyptum auſugium? niſi ut inquinatorum cōmercium modis omnibus denitemus, qui IESVM in nobis, hoc eſt innocentiam ac mundi neglectum, conantur extinguere. Quid uero docuit circumciſus? niſi ut omnibus carnis affectibus ad Chriſtum properantibus obſtrepentes amputemus, ac tanquam in nobis ipſis mortui ſolo IESV ſpiritu ducamur ac uegetemur? Quid docuit oblatuſ in templo? niſi ut totos nos ab ipſa iam infantia deo rebusq; ſacris dediceamus, conſecremusq; ac protinus recentē adhuc mentis

teſta

CONCIO.

testa IESVM inbibamus? Neque enim ulla *etas ad discendam pietatem immatura est: imò non est alia magis tempestiua ad discendum Christum, quàm ea, que mundum adhuc nescit. Iam ipsi apud uos estimate pueri, puer ille sic natus, sic deo dicatus, quàm sanctus studijs totam pueritiam transegerit, Non otio, nò cibo, non somno, nò ineptis lusibus, non stultis fabulis, non euagationibus, què admodum puerorum uulgus facit: sed aut parentum obsequijs, aut sacris orationibus, aut auscultandis doctoribus, aut pijs meditationibus, aut sanctis ac serijs cum equalibus pueris colloquijs. An nou hæc, & multa similia summam complexus est sanctus Lucas? cum scribit ad hunc modum: Puer crescebat, & confortabatur plenus sapientia, & gratia dei erat in illo. An non palàm uideatis nouum pueritiae genus? De pristinis pueris dictum est. Stultitia colligam est in corde pueri. De nouo hoc auditis, plenus sapientia. Quid adhuc *etatis inscitiam præteximus, cum audiamus non sapientem, sed plenum sapientia puerum? Videte ut omnem rerù ordinem hic puer inuertit, qui loquitur in Apocalypsi: Ecce ego noua facio omnia. Perditur sapientia senum, ac prudentia prudentium reprobatur, ac pueri implentur sapientia: Nimirum hoc nomine gratias agens patri. Quoniam, inquit, abscondisti hæc à sapientibus, & reuelasti ea paruulis. Forrò ne stultitiam huius mundi, ac sicatam sapientiam affectaremus, Protinus adiecit: Et gratia dei erat in illo. Is uero demù sapit, q mûdo desipit, & nil nisi Christù sapit. Is nò è philosophorum libris, nò è Scoticis argutijs, sed sincera fide cognoscitur, spe tenetur, charitate**

c + deuincitur.

denuncitur. Iam uero quàm multa docuit nos? ubi duodecim natus annos, à parentibus furtim subducit sese, ne inter notos quidem, ac propinquos repertus, post triduum demique inuentus est. Sed ubi tandem inuentus? Num in circulis? num in choris? num in uijs aut foro? Audite pueri, ubi repertus sit IESVS relictis parentibus, quod à modo fugitiuus, & ubi nos uersari conueniat intelligetis. In templo inquam inuentus est, in medio doctorum sedens, audiens illos, ac uicissim interrogans. Quid docuit nos IESVS his tam admirandis factis? Non dubium quin rem magnam, rem seriam, rem imitandam docuerit. Quid autem? quid? nisi ut grandescente in nobis Christo, quamdoquidem & in nobis nascitur, & habet suos etatù gradus, donec occurramus in uirum perfectum, & in mensuram plenitudinis eius. Ergo cum grandescit in nobis, docet ut naturales parentum & amicorù affectus in deum transferamus, nihil hic amemus, nihil uiremur, nisi in Christo, & Christum in omnibus. Meminerimus nos uerum patrem, patriam, cognatos, amicos habere in caelis. Verum ne quis imaginetur hunc parentum neglectum, falsum, aut inobedientiam sapere, consequitur: Et erat subditus illis. Immo nemo suos parentes uerius amat, nemo magis pie colit, nemo obseruantius morem gerit, quam qui sic continet. Quid autem est sedere in templo, nisi in rebus sacris conuiescere, & ad dicendum animum ab omnibus tranquillum ciuis adferre? Nihil autem uitijs est turbulentius: & otium ac quietem amat sapientia. Iam à quo tandem nos grauemur discere, quàm attentas aures preceptoribus præbere conuenit, cum puer ille caelestis,

sapientia

Quæ docuit nos Christus,

Sedere in templo.

C O N C I O.

sapientia dei patris, in medio doctorum sedeat, audiēs misericors, ac respondens, sed ita respondens, ut omnes eius sapientiam admirarētur. Neq; id mirum, cū is esset, ad quē omnis mundi sapientia stulta est. Præclara res legum prudentia, egregia res philosophiæ cognitio, suspicienda res Theologiæ professio, Verum si quis I E S V M audiat illico stultescunt omnia. At nostra responsio, si sapientiæ miraculum excitare non potest, certe sapiat modestiam, sonet innocentiam. Rursum obsecro, quàm morigeros, quàm obsequentes nos esse decet parentibus ac præceptoribus, quos potiores ueluti ingenij parentes habemus, posteaquàm ille dominus omnium cum à parentibus non intelligeretur, tamen subditus ille redierit in Nazareth? Debetur hoc pietati, debetur parentum reuerentiæ, ut aliquoties illorum uoluntati concedamus, etiam si nos meliora uiderimus. Sed iam operæ pretium est audire, quã apto finis Lucas I E S V pueritiam conclusit. Et I E S V S (inquit) proficiebat sapientiâ, etate & gratia apud deum & apud homines. Quã multa, quã paucis nos docuit? Primum cū etatis accessione, pietatis itē accessionem oportere copulari, ne illud in nos iure dici possit, quod in hominum uulgus dñus dixit Augustinus: Qui maior est etate, maior est iniquitate. Nēue in hoc pulcherrimo certamine inquam restemus, aut nos affectos arbitremur, sed in morē currentium in stadio, à tergo relicta negligētes, in anteriora nitamur, ac semper à bonis ad meliora, à melioribus ad optima proficere conemur, donec ad metam, hoc est huius uite finem peruētum erit. Socrates iam admodum senex, perinde quasi nihil sciret, ita semper & à quouis discre-

sitiebatur. Idem & nos quo magis in Christo fuerimus, hoc minus nobis placebimus, si modo vere in illo fuerimus progressi, adeo φιλαυτία pestis est & studiosorum & pietatis. Ac iuxta Fabium, præcox illud ingeniorum genus, non tenere peruenit ad frugem uel eruditionis, uel innocentie. Equidem nec ordinem otiosum esse puto apud deum, & apud homines, Vt intelligamus in primis dandam operam, ut uita nostra deo placeat. Id agentes, humanus fauor ultra consequetur. Nihil enim uirtute pulchrius, nihil amabilius, quam laus hoc magis sequi solet, quo minus appetitur. Paucis, ut potuimus, uobis expressimus exemplar pueri, quem & amare plurimum, & imitari studiosissime debemus. Atque omnino tantam uidebimur amare, quantum fuerimus imitati. Rursum tanto plenius imitabimur, quanto amabimus ardentius. Proinde hoc ipsum ab illo quotidianis ac puris precibus flagitemus, ut nobis donat amore sui flagrare, sui similes euadere, hoc est castos, puros, incontaminatos, mites, simplices, tractabiles, expertes fuci, ignaros doli, nescios inuidie, parentibus morigeros, præceptoribus dicto audientes, mundi contemptores, rebus diuinis addictos, pijs literis intentos, nobis ipsis quotidie meliores, probatos superis, gratos hominibus, odore bonæ fàmæ quàm plurimos ad Christum allicientes. Hæc inquam assidue flagitemus, hæc manibus pedibusq; conuenus, dum habilis ætas, breui alioqui fugitura. Etenim si recte monuit Fabius, optima statim ac primo discenda. Quid prius disci debet, quàm Christus, quo nihil est melius! Immo quid aliud discere oportet christianum quàm eum unum,

quem

CONCIO.

quem nosse, vita est eterna: quemadmodum ipse testatur, patrem orans in Euangelio. Id si curabimus, utcumque pro uirili gratiam referemus, tam singulariter de nobis merito, & illi referendo gratiam, ipsum nobis lucrificemus. Referemus autem hoc plenius, quo uehementius redamabimus, Porro hoc magis illum redamabimus, quo magis uita ac moribus exprimemus. Iam quo magis exprimemus, hoc magis ipso locupletabimur.

TERTIA PARS.

At interim nonnullis forsitan succurrit animo, duram hanc esse militiam, repudiat is omnibus, cum Christo crucem tollere. Sed memineritis fratres dilectissimi, longe diuersam mundi & Christi esse naturam. Mundus ceu fucata meretrix, prima fronte blandus uobis, & aureus occurrat, postea quo ingrediare altius, quo propius inspicias, hoc magis ac magis tetra, putida, seclita sunt oia. Ediuerso Christus procul intuentibus durior apparet, dum cruceis uidemus, dum uoluptatam ac uitae cōtempitū. Verum si quis fidenti animo totum sese in illū reiciat, reperiet nihil esse mollius, nihil expeditius, nihil dulcius. Nisi forte uerū non dixit ueritas in euangelio, eū ait. Tolle iugum meum super uos, & inuenietis requiem animabus uestris: iugum enim meū suauē est, & onus meū leuē. Hæc nimirum uere est ardua illa uirtutis uia, quā & olim tanto ante Christum, utcumq; somniauit Hesiodus, primo aditu asperior, progressu semp̄ & facilior, & amarior.

Sed quid

Sed quid tandem asperum uideri potest, quo ad tam ingēs,
 tam certum itur prēmium? Si iuxta sapientis dictum, spes
 prēmij minuit uim flagelli, quis in hac momētane a uita, nō
 leue, non dulce iudicet, quo cœlestem illam, & nunquā
 desituram sibi parcat uitā, aternū regnare cum Christo,
 assidue summū illud intueri bonū, uersari in angelorū con
 tubernio, ab omni malorum metu procul abesse? Quis oro
 tantum hoc prēmium, nō uel sexcentis mortibus cupitum
 uelit? Atqui hoc tantum donatiuū pollicetur militibus suis
 imperator noster I E S V S, qui neq; fallere potest, neq;
 mentiri nouit. Iam apud uosmetipsos expendite fructus,
 aternitatem, ac magnitudinem: contrā quā breue huius
 militiæ tempus, nimirum haud longius ipsa uita, que quid
 aliud est, quā uapor ad exiguum tempus apparens, aut
 uanius horæ somnium? Sed agendum de hoc interim inesti
 mabili prēmio silicemus, atque inspiciamus quā abunde
 magna mercede dicit noster militum suorum labores etiam
 in hac uita compenset, quāq; disparem metant messem,
 qui mundo militant, & qui merent sub Christo Iesu. Au
 diamus quid ipsi dicant impij in libro sapientie: Lassati
 sumus in uia iniquitatis & perditionis, ambulauimus uias
 difficiles, uiam autem domini ignoramus. Illecti a mendaci
 fucatis bonorum simulacris, que nihil aliud sunt, quā
 mellita uenena, mox attractos, & uelut in auctoratos, deū
 inuortalem, in quas curas, quas sollicitudines, quas tur
 bas, que dispendia, que dedecora, in quā conscientie
 mentis carnificinam, in quā infelicem exitum, miseros
 adducit? Ut hic quoque iam abunde magnas impietatis
 pœnas dedisse uideantur, etiā si nulli consequantur inferi.

Atqui

CONCIO.

At qui reiectis mundi facis, in IESVM, hoc est summū bonum, omnem amorem, curam, studiumq; transferunt, totiq; ab illo pendent, ijuxta pronissum euangelicū, non modo vitam eternam possidebūt, uerum etiā in hoc seculo centuplū accipient. Quid est autem accipere centuplū? Nempe pro facatis bonus uera, pro incertis certa, pro fluxis eterna, pro ueneno tinctis sincera, pro curis otium, pro solitudine fiducia, pro turbulentiā tranquillitatem, pro dispendijs utilitatem, pro flagitijs integritatem, pro conscientie cruciatu, secretū et ineffabile gaudium, pro tristi atque infelici exitu, gloriosam ac triumphatē mortem. Spreuisti diuitias amore Christi, in ipso ueros inuenies thesauros. Reiecisti falsos honores, in hoc longe eris honoratior. Neglexisti parentum affectus, hoc indulgentius fouebit te pater uerus qui est in caelis. Pro nihilo habuisti mundanam sapientiam, in Christo longe uerius sapias, ac felicius. Aspernatus es pestiferas uoluptates, in ipso multo alias inuenies delicias. Breuiter ubi arcanas illas, sed ueras opes Christi, dispulsa mundi caligine uideris, omnia, que prius aridebant, que sollicitabant, ea nō solum non admiraberis, sed perinde ut pestes quasdam fugies, reiecies, auersaberis. Fit enim mirum in modum, ut simul atque coelestis illa lux animos nostros penitus attingerit, protinus noua quaedam rerum omnium facies oboriatur. Itaque quod paulo ante dulce uidebatur, nūc amarum rescit: quod amarum, dulcescit: quod horrendum, blanditur: quod blandiebatur, horrescit: quod splendidum ante, nunc sordidum: quod potens, infirmum: quod formosum, deformis: quod nobile, ignobile: quod opulentum,

egenum

Centuplū
accipere
quid,

DE PVERO IESV

egetum: quod sublimc, humile: quod lucrum, damnatum: quod sapiens, stultum: quod vita, mors: quod expectandum, fugiendum: & contra. Vt repente mutata rerum specie, nihil minus esse iudices, quàm id quod esse videbantur. Ergo in uno Christo compendio, ac uera reperitur omnia bona, quorum inanes ac mendaces imagines, & umbras, ceu præsigtias, mundus hic ostendit, quas miserum mortaliuũ uulgus tanto animi tumultu, tantis dispendijs, tantis periculis, per fas nefasq; persequitur. Quam obsecro beatitudinem cum hoc animo conferre queas? quia iam liber sit ab errore, liber ab affectibus, securus semper gaudens ob testimonium conscientie, nulla de re sollicitus, altus, sublimis, ac caelo proximus, iamq; supra sortem humanam, qui in Christo excelsissima petra iuxus, omnes huius seculi fucos, tumultus, procellas ex alto rideat, negligat, uel potius cõmiseretur. Quid autem timeat is, qui propugnatorem habeat deum? ignominiam? At summa est gloria pro Christo ignominiam pati. Pauertatem? At opum sarcinam lubens abiicit, quisquis ad Christum properat. Mortem? At ea maxime in uotis est, per quam scit sese ad immortalem uitam esse transmittendum. Qua de re sit sollicitus, cuius pater ecclestis etiam pilos habet annueratos? Quid autem cupiat is, qui in Christo possidet omnia? Quid enim non commune membris & capiti? Iam uero quanta est hominis non modo felicitas, uerum etiam dignitas, uiuum esse membrum sanctissimi corporis ecclesie, idem esse cum Christo, eandem carnem, eundem spiritum, cõmunem cum illo habere patrem in caelis, Christum habere fratrem, ad communem cum illo

C O N C I O.

cum illo hereditatem destinatum esse, breuiter iam non hominem esse, sed deum? Adde his gustum quendam felicitatis future, quem pie mentes subinde percipiunt. Hæc nimirum uiderat, hæc senserat propheta, cū ait. Nec auris audiuit, nec oculus uidit, nec in cor hominis ascendit, quæ præparasti deus diligentibus te. Proinde charissimi sodales, si dabimus operā, ut uere Christi membra simus, iuxta illud propheticum dictum: Iustus ut palma florebit, etiam in hac uita perpetua quadam adolescentia uernabimus, non animo tantum, uerumetiam corpore, Et enim quædammodum floridus ille I E S U spiritus in nostrum spiritum redundabit, ita noster iucissim in suum corpus influet, & quoad fieri potest, in sese transformabit. Nec poterit tantus animi ac corporis nitor uestium sordes ferre. Nam animus noster habitaculum est dei, animi domicilium est corpus, porrò uestis & ipsa corporis, quodammodo corpus est: Ita fiet ut capitis puritati totus homo respondeat, donec peracta hac uita ad immortalitatem traducatur.

E P I L O G V S.

Agite igitur optimi commilitones, ad hanc tantā felicitatē, summis uiribus emtamur, ducē nostrū I E S U M unum admiremur, quo maius nihil esse potest, immo sine quo nihil est omnino magnū. Hunc unū amemus, quo nihil esse melius potest, immo extra quē nihil est omnino bonum. Hunc imitemur, qui solus est uerum & absolutum pietatis exemplar, extra quē quisq; sapit, desipit. Huic uni inhereamus, hunc unum amplectamur, hoc uno fruamur, in quo
est uera

DE PVERO IESV CONCIO

est uera pax, gaudium, tranquillitas, uoluptas, uita, im-
mortalitas, Quid multiis summa bonorum est omnium.
Extra hunc nihil suspiciamus, nihil amemus, nihil appeti-
mus, huic uni placere studeamus. Meminerimus nos sub
illius oculis, & illius angelis testibus, quicquid agimus
agere. Zelotypus est, nec ulla mundi sordes patitur.
Quare puram & angelicam in illo uiuamus uitam, ille sit
nobis in corde, in ore, in omni uita. Hunc penitus sapia-
mus, hunc loquamur, hunc moribus exprimamus. In illo
negotium, otium, gaudium, solatium, spem, presidium
omne collocemus, hic à uigilantium animis nunquam di-
scedat, hic dormientibus occurrat. Hunc & litera nostra,
& lusus etiam sapiant, per hunc & in hoc crea-
scamus, donec occurramus in uirum per-
fectū, & gnuiter obita militia,
perpetuū cum illo trium-
phum agamus
in caelis,
Dixi.

CONCIONIS DE PVERO
IESV FINIS.

D. ERAS. ROTER. EXPOSTV
latio IESV cum homine suapte
culpa peccante.



Um mihi sint uui bona, que uel frōdea te llus,
Vel olympus ingens continet,
Dicite mortales que nos demerita cæpit?
Hæc aucupari ut undeuis

Malitis, quam de proprio deposcere fonte,

Adeo benigno, et obuiō?

Mendaces q; iuuet trepido, misero q; tumultu

Vubrat bonorum persequi?

Pauci me, qui sum uere largitor et autor

Felicitatis, expetant?

Forma rapit multos, me nil formosius usquam est,

Formam ardet hanc nemo tamen.

Suspiciunt Ceras, antiqua q; stemmata multi,

At me quid est illustrius?

Vt qui sum genitore deo deus ipse profectus,

Genitrice natus uirgine.

Vnde fit, ut mecum uix gestiat unus et alter

Affinitatem iungere?

Maximus ille ego sum cæli q; soli q; monarcha,

Seruire nobis cur pudet?

Diuus item, et facilis dare magna, et multa roganti,

Rogari amo, nemo rogat.

Sum q; uocor q; patris summi sapientia, nemo

Me consulit mortalium.

Ipsc ego sum ætherei splendor q; decus q; parentis,

d Me nemo

DE PVERO IESU

*Me nemo stupet, aut suspicit.
 sum firmus iuxta, ac incandus amicus amico
 Me pariter, ac meas opes
 Candidus atq; lubens charis impercio, nemo hanc
 Ambit necessitudinem.
 Sum via, qua sola caeli itur ad astra, tamen me
 Terit viator infrequens.
 Cur tandem ignarum dubitat mihi credere vulgus?
 Aeterna cum sim veritas.
 Pollicitis cur stulte meis diffidere perstas?
 Cum sit nihil fidelius.
 Autor ad haec vita cum sim unicus, ipsa q; via,
 Cur sordeo mortalibus?
 Lux ego sum, cur huc vertunt sua lumina pauci?
 Dix, cur grauantur insequi?
 Viuendi recte certissima regula solus,
 Aliunde firmas cur petunt?
 Ipse ego sum solus vera & sine felle voluptas,
 Quid est quod ita fastidior?
 Vnica pax animi, quin huc deponitis acri
 Curas edaces pectoris?
 Si beneficia truces etiam meminere leones,
 Referuntq; beluae vicem,
 Respondere feri merito didicere dracones,
 Si meminit officij canis,
 Si redamant aquila, redamant delphines amantem,
 Cur esser acior feris,
 Me me non redauas homo? Cui semel omnia feci,
 Quem condidi, quem sanguine*

Asserui

Afferui proprio, propriaeq; à morte recepti
 Dispendio uitæ uolens.
 Si bos agnoscit dominum, si brutus a se illus
 Agnoscit auctorem suum,
 Cur me solus homo male gratus nosce recusat,
 Et conditorem, & uindictam?
 Vnus ego hic tibi sum cunctorum summa bonorum,
 Quid est quod extra me petas?
 Quot sum distraberis per tot dispendia, grassans
 Laboriosa inertia?
 Sum placabilis, & pronus miserescere, quin hoc
 Miser ad asyllum confugis?
 Idem iustus, & implacabilis ultor iniqui,
 Cur non times offendere?
 Corpus ego, atq; animum nutu sub tætarâ mitto,
 Nostrî metus uix ullum habet.
 Proinde mei desertor homo, se cordia si te
 Adducet in mortem tuam,
 Præteritum nihil est, in me ne reijce culpam,
 Malorum es ipse auctor tibi.
 Nam quid adhuc supere st? si te neq; prouocat ardens,
 Suiq; prodiga charitas,
 O bis marmoreum pectus, neq; mitigat unquam
 Adeo profusa benignitas:
 Si neq; tantarum spes uel certissima rerum
 Expergescit & allicit.
 Si neq; tartaræ cohibet formido gehennæ,
 Nec ullus admonet pudor.
 Imò si durant magis hæc, adduntq; stuporem,
 d 2 Tam

DE PVERO IESV

*Tam multa, tamq̄, insignia,
Vt facile immanesq̄, ferat, chalybemq̄, petranq̄,
Rigore uisito molliant.
Quid faciat pietas, quibus artibus abstrahat ultro
Deuota morti pectoras
Inuitum seruare, nec est mentis (puto) sane,
Et patria prohibet equitas.*

IMAGO PVERI IESV POSITA IN ludo literario, quem nuper instituit Coletus.

*Discite me primum pueri, atq; effingite parvis
Moribus, inde piis addite literulas.*

CARMEN PHALECIUM,

*Sedes hæc puero sacra est IESV,
Formandis pueris dicata, quare
Edico, procul hinc fessat, aut qui
Spurcis moribus, aut inrudita,
Ludum hunc inquinet cruditione.*

CARMEN IAMBICUM,

*Non inuenusto antiquitat ænigmate
Studij magistram, uirginem
Fixxit Mincruan, ac literarum præfides
Fixxit Cancenas uirgines,
Nunc ipse uirgo matre natus uirginis,
Præfideo uirgineo gregi,*

C A R M I N A.

Et sospitor huius, & custos scholæ.
Adsumt ministri uirgines,
Pucros meos mecum tuentes angeli.
Mibi grata ubiq; puritas,
Decetq; studia literarum puritas.
Procul ergo sacro à limine
Morum arceant mihi literatores lucem,
Nihil huc recipiant barbarum.
Procul arceant illiteratas literas,
Nec regna polluant mea.

A L I V D.

Quin hunc ad puerum pueri conterritis omnes?
Unus hic est uitæ regula, fonsq; pie.
Hunc qui non sapiat, huius sapientia stulta est,
Absq; hoc uitæ hominis mors (mibi crede) mera est.

S A P H I C V M.

Cœperit faustis anibus præcamur,
Semper augefcens meliore fato,
Hic noue sudor nouas officinæ,
Auspice I E S V.
Hic rudis tanquam noua testa pubes
Literas Græcæ, simul & Latinas,
Et fidem sacram, tenerisq; Christum
Combibet annis.
Quid fuit læta sobolem dedisse
Corpris formæ: nisi mens & ipsa

DE PVERO IESV CARMINA,

Rite fungatur, studijsq; castis
 Culta nitescat!
 Stirpe ab hac sensim noua pullulabit
 Cincum proles, pietate iuxta, ac
 Literis pollens, breuiterq; regno
 Digno Britanno.
 Ludus hic syluae pariet futurae
 Semina, hinc diues nemus undequaq;
 Densius surgens decorabit Anglum
 Latius orbem.

EPITAPHIUM SCVRRLAE

temudenti, Scaxoni.

Pax sit mator, tacitus hos legas uersus,
 Vt sacra uerba musitant sacerdotes,
 Ne mihi suanem strepitus auferat somnum,
 Repetatq; uigiles illico sitis fances,
 Nam Scurrula hocce sterto conditus saxo,
 Quondam ille magni clarus Euij mystes,
 Vt qui bis octo lustra perbibit tota,
 Oculis profundus deinde somnus obrepfit,
 Vt fit, benigno membra cum madent Bacccho,
 Atq; ira per actus suauiter bonis annis,
 Idem bibendi finis, atq; uiuendi
 Fuit. Sed etiam me aliquis ebrium credat,
 Aut somnigare, qui ista dormiens dicam.
 Vale uiator, iam silenter abscede.

FINIS.

THE UNIVERSITY OF CHICAGO

PHYSICS DEPARTMENT

PHYSICS 341

LECTURE 10

STATISTICAL MECHANICS

ENTROPY

THE SECOND LAW OF THERMODYNAMICS

REVERSIBLE PROCESSES

HEAT AND WORK

INTERNAL ENERGY

TEMPERATURE

PRESSURE

IDEAL GAS

MAXWELL-BOLZMANN DISTRIBUTION

BRUNNEN

VIRTVTE DVCE,

Nihilum numen abest, si sit prudentia, sed te



Mos facimus FORTVNA deam, caeloq; locamus.

COMITE FORTVNA.